

宣統元年八月初版

新甯甯鄉志地理

敘

已酉之秋雷子澤普携所輯新甯鄉土地地理一帙相示自縣屬之原起建置分野至於風俗物產兵防凡二十三章爲小學教科之用予維小學教育以養成國民普通之學爲目的故小學教科於道德智識體魄教育之外特注重國民教育一義蓋小學實行強偏教育之意祇欲吾國民皆有普通之知識養成其愛戀鄉國之心志欲其爲吾本國之國民不願其爲他國之國民也國民之學以激發其愛國心爲最要欲國民之愛國必先使吾國民皆知其鄉

新甯鄉土地地理

敘

一

土地地理之歷史而生其愛慕鄉土之感情始故小學科目地理一門雖兼五洲萬國而言而初級普通自以講求鄉土地理爲當務之急今雷子所著新甯鄉土地地理卽所以激發吾新甯人民自愛鄉土之心使凡經初級小學教育者在一邑則知愛一邑之土物在一國則知愛一國之人羣皆於此講習鄉土地理時基之也吾新甯今日各鄉小學初立方求得一地理教科書爲之切實訓導而雷子新甯鄉土地地理之書適成使小學堂諸生人置一編吾知人民愛鄉土之心必熱度日高而不愧爲愛國之國民則此

書有益於吾甯甯人士者又豈淺鮮哉宣統元年中秋後
趙宗壇書於新甯縣自治研究所之所長室

新甯鄉土地理

敘

二

自敘

鄙人才疏學淺烏足以言著述惟廁身學界有年於地理一科凡所云五大洲六大陸者亦常朝夕講論然思鄉邑之間道里之長短山川之遠近風俗之變遷天然物產之蕃殖尙懵然有所未知知焉不能盡語焉不能詳志大忘小圖遠舍近慚可知也然則此鄉土地理之研究又烏可以已耶夫鄉土地理之義果何自來哉曰國民曰鄉民曰土人此等名稱既爲人人所公認但言人民而實之以鄉國以見爲國民者不可忘國爲鄉民者不可忘鄉爲土人

新甯鄉土地理

自敘

一

者不可忘土書曰惟土物愛厥心臧卽此意也惟是鄉土固宜愛戀而所以使人人人生其愛戀鄉土之心者必自妙年始所以使妙年生其愛戀鄉土之心者又必自鄉土地理之教授始 朝廷興學以來所定初等小學章程地理一科最重鄉土於第一二學年顯講鄉土附近之道里山水及先賢之祠廟遺蹟等類自第三學年至第五學年仍講本縣本府本省本國之地理及本國與外國毗連之大勢而未暇深究五大洲六大陸之內容其意欲以鄉土地理印證學生之腦筋激刺學生之心志先養成其愛鄉

國心使之先入爲主他日雖身在異邦而心懷祖國不爲他國之同化力所吸收而爲吾國之愛結力所團縛也然則此鄉土地理之採輯又烏可以已耶吾甯僻邑也建縣以來僅四百年政治地理屢有變遷天然地理曾無改易予述夫天然者以實鄉土地理之目的而政治地理間亦偶及焉是書採輯多本前人成說刪繁就簡以地理不能向壁虛造故也書成顏曰新甯鄉土地理非敢云著述也聊以作不忘鄉土之紀念云耳宣統元年夏六月邑人雷澤普謹敘

新甯鄉土地理

自敘

二

凡例

一是書編輯以新甯縣志爲主以 大清一統志廣東通志廣州府志及甯陽雜存等書爲輔故必標明參用某書於章節之下以示不敢掠美間亦有參以鄙意者以備芻蕘之義

一凡山嶽河流以及古蹟物產謹擇其著名者以便觀覽而易記憶

一凡章節所言大意已括惟餘意仍須詳盡者另設參攷於後以便互相印證

新甯鄉土地理

凡例

一

一初等小學章程每星期教授地理一小時此書編輯共七十四課每小時授一課已足敷二年之用

新甯鄉土地地理目次

第一章 新甯縣之起原 卷上

第二章 新甯縣之成立

第三章 新甯縣城之建置

第四章 廣海衛之建置

第五章 赤溪廳之析置

第六章 經緯度及分野

第七章 氣候

第八章 疆域

新甯鄉土地地理

卷上目錄

第九章 都界

第十章 山嶽

第十一章 河流

第十二章 洋海

第十三章 戶口 卷下

第十四章 田畝

第十五章 水利

第十六章 鹹圍

第十七章 險隘

第十八章 鐵路

第十九章 水陸交通之大市場

第二十章 古蹟

第二十一章 風俗

第二十二章 物產

第二十三章 兵防

附森林 漁業 鹽法


附警察

新甯鄉土地理

目錄

二

新甯縣圖



番禺波道源繪

新甯鄉土地理

第一章 新甯縣之起原

第一課

新甯縣自西晉以前。本屬南海郡之四會縣地。自東晉以後。又屬新會郡之益允縣地。蓋益允析自四會也。至隋則又爲南海郡之新會縣地。蓋是時新會已降爲縣。而益允且併入之矣。至唐則爲廣州之新會縣地。又不屬南海郡矣。至明則爲廣州府之新甯。以新甯析自新會故也。然則今日之新甯縣。與晉宋時之新甯郡不同。

新甯鄉土地理

卷上

第二章 新甯縣之成立

第二課

新甯縣之成立。自明孝宗宏治十二年始也。本以新會縣德行都之上坑蒔建置。又析文章等五都地益之。

參攷謹案郭通志云。新甯縣本新會縣地。諸徭煽亂。屢征不服。明宏治十一年。遺孽未靖。督臣陳其難化狀。請以縣控制之。遂析新會五十六圖。爲新甯縣。考太平寰宇記。新會有上川洲。下川洲。元豐九域志。新會有海晏。博勞。懷甯。都斛。挫銅。卽姓金斗六



鹽場今上川下川。海晏博勞挫銅都斛俱在新甯。則全境俱爲新會舊地無疑矣。至張府志謂新甯縣爲晉新甯郡地。此則大謬。新甯郡爲今之新興。與新甯縣無涉。殆因其郡名相同。故牽合耳。今特訂正。

第三章 新甯縣城之建置

第三課

新甯縣城之建置。起點於明宏治十二年。知縣任鉞始以木爲柵。作城形。至十六年大水。城盡頽。正德間御史周謨

新甯鄉土地理

卷上

二

命攝令通判朱源改築。周五百三十丈。高一丈一尺。雉堞一千一百一十二。甃以甃。外植竹爲子城。東西南爲三門。門各一樓。北以逼於山。故不門焉。隆慶六年。城牆增高五尺。其後屢有所修。縣署在城中。亦明宏治十二年建。

第四章 廣海衛之建置

第四課

新甯之南有廣海衛。洪武二十七年九月置也。明史地理志

參攷廣海衛城赤溪協鎮右營都司駐劄所。卽前陽江鎮中軍遊擊守備移置處也。原隸新會。宋置巡檢。

司於此。是爲古潯州。明洪武初。平章廖永忠參政朱亮祖。平定廣東。遂命亮祖鎮守。建置諸衛所。分布要害。十七年復設沿海諸衛所。二十年命都司花茂就潯州地開創。遷巡檢司於望頭鄉。以廣海地置衛所。二十七年建衛城。今縣丞署。卽舊廣海主簿署也。參邑志及廣東通志

第五章 赤溪廳之析置

第五課

廣海衛之東南爲赤溪廳地。此廳置自我朝之同治六

新甯鄉土地理

卷上

三

年。本由封疆大臣之請。析新甯地。建置之。故赤溪爲直隸廳。不屬新甯矣。

參攷謹案廣州府志云。同治六年。總督瑞麟巡撫蔣益澧以漕冲客民就撫。奏請割新甯縣屬潮居都之赤溪。磅礪。漕冲。銅鼓。四堡。及深灣。腰古。金頭等處。姓崗都之田頭一堡。及冲金。長沙。大小麻等處。析置赤溪廳。並添設直隸同知一員。司獄一員。在廳駐理。

第六章 新甯之經緯度及分野

第六課

甯邑在赤道北。測得北極出地二十二度十五分。經度偏西四度十五分。廣州爲牛女分野。縣屬分野同於府。

謹案中國當赤道之北。北極常見。南極常隱。南行二百五十里。則北極低一度。南極高一度。北行二百五十里。則北極高一度。南極低一度。北極高度卽南北里差也。東西偏度卽東西里差也。在新甯測得北極高度二十二度十五分。偏西四度十五分也。廣州府志

第七章 新甯之氣候

新甯鄉土地理

卷上

四

第七課

甯邑氣候。與廣州府所轄諸縣氣候略同。大抵夏熱以炎蒸。其寒以風雨。其生常早。其肅常遲。度嶺以南。無甚異云。今略舉之如下。

(一) 風雨

凡六月有北風。每作颶。颶風者。具四方之風也。平時則南風爲多。諺曰。朝北晚南。夜半東。以時占也。潮長風起。潮平風止。以水占也。凡立春。穀雨。立夏。小滿。處暑。重陽。俱宜雨。凡驚蟄。清明。寒露。不宜雨。陳白沙先生詩注云。每年正月。

二十五六七日有雨主豐。六月一日雨主旱。皆於農事有密切之關係故也。

(二) 寒暑

第八課

春寒至夏。夏熱逾秋。秋涼徂冬。冬則極寒。此處溫帶下各國時序之恒態也。然廣州氣候亦有微異。蓋三冬多煖。至春初乃有數日極寒。冬間寒不過二三日復暖。暖者嶺南之常。寒乃其變。又春霧晴。秋霧雨。冬霧不寒。夏霧不暑。此其大較也。(張志)

新甯鄉土地理

卷上

五

第八章 新甯之疆域

第九課

甯地在廣州府西南三百六十里。東西距一百三十里。南北距一百三十里。

東至新會縣界四十里。西至肇慶府開平縣界四十里。南至海八十里。北至開平縣界四十里。

東南至赤溪廳界七十里。西南至陽江州之恩平縣界六十里。又遠至陽江州界二百里。東北至新會縣界四十里。西北至開平縣界五十里。

第九章 新甯之都界

第十課

縣屬原有六都。德行、文章、平康爲上三都。矧崗、潮居、海晏爲下三都。自析置赤溪廳後。雖潮居僅餘白石一村。實則仍有六都也。

參攷邑志及府志云。縣治原割新會之德行都十四里。文章都十里。平康都一里。矧崗都十四里。海晏都十八里。潮居都二里。共五十九里。建縣後。德行都增二里。文章都增三里。矧崗都增二里。潮居都增

新甯鄉土地理

卷上

六

一里。平康海晏二都仍舊。計四都開增八里。共六十七里。

第十章 新甯之山嶽

第十一課

甯邑山脈發起於恩平縣之鳳凰山。由西南蜿蜒而東。直至獅子山。乃轉向瓶山北走。歸極於三台山。爲中心點。邑中諸山綿亘。更僕難數。茲特舉其尤著者。附著於篇。其不甚著名。或非有名人事蹟可紀。天然物產可誌。與非爲邑中之名勝地。負一都之望者。概置不錄。疑者闕焉。

第十二課

(一) 邑城諸山

(甲) 三台山 連珠山 寶鴨山

在縣城之陰一里。高約百丈。周一里許。三峰疊聳。象若三台者。此三台山也。卽縣之主山也。附城東南。三山連峙。纍若貫珠。二在城外。一在城內者。此連珠山也。附城西偏。巍然與三台對峙者。此寶鴨山也。昔人所謂連珠列其東。寶鴨出其西者。此之謂也。

第十三課

新甯鄉土地理

卷上

七

(乙) 石人山 塔腳山

距城東北五里。嶄然見頭角。石起山巔。卓立如人者。此石人山也。此山又名石化山。明正德間。兵備王大用。征羊公逕。盜嘗射三矢於石。以示武。故名。昔人題石人聳翠。爲甯陽八景之一。大清一統志。謂山中有獠寨。今已廢矣。

邑城西門河外。山上有塔。塔凡七級。級六達。皆窗。與寶鴨連珠鼎足並峙。爲邑城右屏者。此塔腳山也。此塔爲明萬曆間知縣王尙賢所建。參府志

第十四課

(二) 邑東諸山

瓶山 在縣東四十里。高六百餘丈。其下有山曰大蒙山。多杉木。葱蔚不見天日。又下有曲澗。澗口古松虬屈。老藤繞其本。達於杪。如龍負子升天然。舊有屋十餘家。殆不滅。桃花源云。

百峯山 在縣東四十里。與新會之古兜山相接。峯巒以百計。昔爲蠻獠所出沒。此山獸多獐鹿。木多松栝。花多弔鐘。此動植物之天然產。言畜牧種植者。不可不留意也。

新甯鄉土地理

卷上

八

第十五課

石坂潭山 在縣東三十里。潭源出於百峯山之南。天將雨。潭鳴如雷聲。聞數里。將晴亦如之。此山多異蘭。弔鐘花。昔人題石坂晴嵐爲甯陽八景之一。謹案。石坂潭水最潔。少雜質。可以製電。甚合化學家輕二養之用。及衛生學家水泉善良之益。近人欲於此處設一自來水公司。購機器以運水。以遍餉邑中。此舉若成。亦邑人之一大幸福也。

第十六課